

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Exercitatio theologica de fragrantia Christi quam ex 2.
epist. ad Corinth. 2, 15.16**

**Buddeus, Johann Franz
Naumann, Tobias Gottfr.**

Ienae, 1712

VD18 11426357-001

§. IX.

[urn:nbn:de:bsz:31-130634](#)

euangelii obiectum, quia quicquid euangeli-
um proponit, de Christo agit & ad Christum
tendit; quippe qui cum merito ac donis suis
euangelii est nucleus, quem si non quaeras
in eo, sed circa corticem haereas, auram ca-
ptabis.

§. IX. Obiectum huius ἐνωδίας seu
ad quem haec tendit *Christi bona fragrantia*,
est Deus coelestis Pater. Placuit Deo creare
homines sibi similes, quibus delectari posset
vti pater filio suo. Lapsis autem iis, haec vo-
luptas in taedium & iram versa fuit, quae aeter-
nam eorum perniciem comitem habebat.
Sed ne in perniciem quam lapsu suo sibi con-
flauerant detruderentur, nunquam finiendis
subiiciendi cruciatibus, Deus misericordia
erga eos ductus πρωτευαγγέλιον in paradiſo
annunciabat, sancte promittens, fore, vt tem-
pore completo semen mulieris benedictum
caput Stygi serpentis contereret, eosque redi-
meret. Hoc euangelium ipse Gen. III. 15. an-
nunciauit, subinde sub variis oeconomis ac
dispensationibus repetitum, hominibus pro-
positum, hunc in finem, vt homines oblatam
reci-

reciperent gratiam, omni studio fideique obsequio, quo Dei renouaretur voluptas. Deo est bonus ac suavis odor euangelii verbum, quia ex ipsius benigna voluntate, gratiae immensae & misericordiae plena profectum est; quam ob rem ab apostolo Paulo vocatur Εὐλογία Θεος Act. XX. 27. coll. com. 24. Non potest non DEO Patri esse εὐωδία quia ab ipso est; ita etiam non potest non ei esse gratissimus & suauissimus odor, quia filius εν ω εὐδόκησε illud misero hominum generi e sinu ipsius reuelavit, & per apostolos reuelandum curauit. Haec εὐωδία satis euidenter conspicitur, si effectum euangelii pensaueris. Est enim non solum causa regenerationis I. Petr. I. 23. & ipsius salutis nostrae Rom. I. 16. sed etiam certiores nos reddit de reconciliatione hominum cum Deo per Christum facta, de pace, a Principe pacis in cruce per sanguinem ipsius restituta, Col. I. 20. Inde indissolubili fuit nexus diuinæ gloriae per orbem diuulgatio; multifaria siquidem DEI sapientia per illud patescit, qui saluare vult & potest infensissimos sibi hostes, ut iustitiae suae nihil

quicquam decedat, nec misericordia labefactetur, *Ephes. III. 10.* Diuinam bonitatem, & potentiam nobis conspiciendam praebet, *I. Cor. I. 24.* Veritas DEI immota omnium maxime conspicua redditur, & qui alii sunt eiusmodi effectus insignes, qui non possunt non Deo euādia esse, magis, quam homini odor fragrantissimus.

§. X. Non vero obstat, quod multiplicem effectum hunc exoptatum euangelii praeconium, non semper assequatur. Experientia enim docet, non omnes euangeliō obedire, ut illud recipient, per illud vocantem audiant, trahentem sequantur. Culpa non residet in euangeliō, sed in iis qui percunt. Obiectum quidem euangelii sunt in vniuersum omnes homines, quos Deus serio & efficaciter omnes saluandos vult; sed quia multi ex vniuerso hominum coetu illud pessime reiiciunt, hinc fit, ut huius generis hominibus fiat odor mortis ad mortem; cum e contrario caeteris sit odor vitae ad vitam. Scilicet sicut aromata pro diuersarum naturarum dispositione, saepenumero diuersos effectus exferunt; sua-